



JSMP: “Ita tenke halo esforsu kolektivu hodi povu bele asesu ba sistema judisiál”



Kria iha tinan 2001, Judicial System Monitoring Programme, hanesan Organizasaun Nasionál Naun-Governmentál, ne'ebé prevelijiu ona atu observa dezvoltamentu setór justisa iha Timor-Leste no prosesu krime graves. Diretór, Luis Oliveira Sampaio fahe informasaun ho SCIT kona-ba saida mak JSMP nia atividades no rezultadu/outcome husi sira-nia atividade monitorizasaun. Nia xefia ekpa hamutuk ema na'in 30, barak liu advogadu Timor-oan.

Hodibainhira no oinsa mak JSMP estabese?

JSMP harii ka estabese iha tinan 2001, ho ninia objetivu institusionál atu tau-matan ka halo monitorizasaun ba Prosesu Krime Graves harii husi UN iha Timor-Leste no Tribunál Ad-Hoc Direitu Úmanus iha Jakarta relasiona ho krime kontra úmanidade ou krime graves sira seluk ne'ebé akontese iha tinan 1999, Iha momentu ne'ebá Timor-oan na'in ida Sr. Nelson Belo hamutuk ho jurista internasionál rua, hanoin katak ida-ne'e importante atu halo monitorizasaun ba prosesu hirak-ne'e, atu asegura sira hodi tuir estandarte internasionál mós atu informa ba populasaun kona-ba prosesu judisiál: prosesu rua-ne'e ninia progresu no dezafius ne'ebé hasoru.

Ita-nia asesmentu ba prosesu krime graves saida?
Ami-nia opiniaun katak prosesu

ne'e seidauk hamosu ou produz rezultadu ne'ebé di'ak, nein iha Timor-Leste ou iha Indonézia. Iha difikuldade barak iha Timor-Leste tanba responsabilidade aas ba krimes, ho poder dezeña kampaña violensia, rua hotu militar no sivil (maske ema sivil sira ne'ebé akuzadu barak liu mak Timor-oan) maske akuzadu, ne'ebé sei livre hela iha Indonézia. To' ogora seidauk iha akordu estradisaun entre Timor-Leste no Indonézia nune'e susar tebe-tebes atu lori sira ba liu-tan iha tribunál, prosesu ida-ne'e hanesan limitadu rekursus. Relasiona ho prosesu ne'e iha Indonézia, ami konsidera katak sistema judisiál kondisionadu husi situasaun política iha ne'ebá. Prosesu demokrátizasaun iha Indonézia la'o hela maibé molok ne'e sei iha problema barak mak tenke rezolve ba

“Prosesu krime graves seidauk produz rezultadu di'ak, nein iha Timor-Leste no mós Indonezia”

violasaun pasadu direitus úmanus ne'ebé sei hakotu iha tribunál. Ema na'in sanulu molok ne'e lori ba Tribunál Ad Hoc iha Jakarta, maibé sira hotu hetan livre husi Julgamentu Audensia ou husi Audensia Rekursu. JSMP kontinua haree tuir prosesu ho preokupasaun tanba violasaun sériu direitus úmanus, krime kontra úmanidade hanesan kazu internasionál. Ida-ne'e hanesan responsabilidade ba comunidade internasionál hotu atu rezolve kazu sira-ne'e no nasaun hotu tenke fó-liman ba malu atu haree ba kazu sira-ne'e. Povus nasaun hotu-hotu tenke rejenta krimes hirak-ne'e no asegura katak sei la akontese tan. Desde prosesu krime graves parte rua iha ne'e no Indonézia seidauk lori justisa ba vítima sira, JSMP kontinua husi Tribunál Internasionál ida hamutuk ho organizasaun sivil sira, inklui Timor-oan no internasionál. Ami hotu parte husi A.N.T.I (Aliansa Nasionál ba Tribunál Internasionál), hamutuk ho asosiasaun vítima nian, ami kontinua luta ba ida-ne'e. Ida-ne'e sei la akontese aban ou bainrua maibé ami tenke kontinua bolu atensaun husi comunidade internasionál nune'e ita hotu bele hamutuk hodi hetan solusaun ba problema ida-ne'e.

Maibé agora JSMP iha aréa atividades seluk...

Hafoin JSMP harii, iha unidade rua, unidade prinsipál rua, ida mak sira bolu Legal Research Unit no mós Outreach Unit ba divulgasaun informasaun nian. Maibé depois sira la'o, iha momentu ne'ebá sira halo mós



SCIT serbisu iha diresaun no supervizaun husi Eskritoriu Prokurador-Jeral Timor-Leste

Editoriál:

Iha SCIT nia edisaun daneen ho laran luak ami fó notisia kona-ba julgamentu ba eis Membru Milisia Mahidi na'in ida. Painél espesial iha Tribunál Distritál Dili akuzu nia ba krimes omisidui tolu no hamonu sentensa ba nia tinan 16 iha komarka. Ida-ne'e hanesan painél dahuluk ne'ebé forma desde Painél Espesial ba Krimes Graves taka iha tinan 2005. Formasaun ba painél refere tuir dekreto lei 13/2005, ne'ebé funsiona Kódigu Prosedimentu Kriminál Timor-Leste. Kazu ne'e hatudu independensia husi tribunál Timoroan nian no justisa ba Krimes kontra Úmanidade komete iha tinan 1999 sei hala'o hela.

Iha adisaun ne'e ami kontinua ho “Perguntas no Respostas” fornese esplikasaun ba asuntu ne'ebé comunidade sira sempre foti durante ita-nia Enkontru Outreach. Marek Michon Kefe ba SCIT

observasaun ka monitoring iha tribunál lokál no realiza katak iha problema barak relasiona ho violensia bazeia ba jéneru. Nune'e iha tinan 2004 JSMP kria tan unidade seluk – Women Justice Unit (WJU) – ho objetivu halo monitorizasaun ba violensia bazeia ba jéneru ne'ebé molok ne'e ori ona ba tribunál, (partikulár envolve kazu labarik no fetu sira, vítima prinsipál ba violensia refere). Agora JSMP iha area funsióal 4: tolu mak ha'u mensiona no ida mak Victim Support Service. Ida ikus ne'e atu fornese suporta legál ba vítima sira ba violensia bazeia ba jéneru. Ida-ne'e mós agora vítima sira atu halo relatóriu no komunika ho polisia. Membre VSS sira assiste hodi interpreta lei husi perspetiva vítima, advogadu ba polisia molok, prokuradóres no juiz nune'e sira bele kompriende situasaun traumátika husi vítima hirak-ne'e, no oinsa bele asegura evidensia ba krime hirak-ne'e. Iha sumáriu sira assiste autór hotu iha nível prosesu tomak atu bele hatene tuir kazu sira ne'e lori ba tribunál.

Agora JSMP komesa atividade iha area foun: halo monitorizasaun ba Parlamentu?

Sim, ami halo ona vizita regulár ba Parlamentu no agora ami decide ona atu intensifika atividades iha area ne'ebá. Ida-ne'e importante tebes tanba Parlamentu mak instituisaun Estadu ne'ebé mak halo lei sira ne'ebé mak sei regula moris iha nasaun laran. Organizasaun The Asia Foundation (TAF) iha ona planu atu suporta oraganizasaun sosiedade sivil sira ne'ebé bele halo serbisu iha Parlamentu nune'e ami hatama ona ami-nia proposta bainhira sira loke tenderizasaun ba públiku. Sira konsidera katak JSMP bele halo serbisu iha area Parliament Watch Project. Ida-ne'e hanesan projetu foun maibé iha buat barak mak halo ba justisa. Iha lei barak ne'ebé dezenvolve hela ne'ebé ami presiza tau-matan ba, nune'e ami sei serbisu hamutuk ho Komite A atu haree oinsa ami bele dezenvolve lei hirak-ne'e hamutuk. Iha adisaun ne'e ami hakarak mós organiza workshop hodi halo diskusaun grupu ho komunidade atu haree oinsa ami bele envolve iha komunidade iha prosesu lejislativu ne'ebé akontese iha Parlamentu Nasionál. Uluk ami lansa ona projetu ne'e iha dia 10 Marsu.

Atividade saida mak ita-boot sira organiza hodi informa ba populusaun?

Ami hala'o atividades barak dezenvolve ho Outreach Unit ne'ebé koko atu hakbesik ba povu tuir media sira ne'ebé sira asesu ba. Ami iha website ne'ebé ami públuka informasaun hotu kona-ba

area monitorizasaun. Ba komunidade lokál ami uza Programa Radio Komunidade, ami hatudu regulár iha televizaun no radio nasional. Liu-tan, ami produz informasaun barak ne'ebé ami fahe lora-lora. Ami mós iha programa treinamentu iha area balun fokus iha audensia la hanesan. Liu husi workshop hirak-ne'e ami espera bele rezolve problema balun ne'ebé judisiáriu hasoru hela, husi kraik to'o leten. Iha eventu treinamentu ne'e ami mós iha oportunidade hodi foti nota kona-ba preokupasaun prinsipál husi povu, kona-ba sira-nia difikuldades hodi asesu ba sistema judisiál, prepara rekursu. Asesu iha tribunál, oinsa bele arkiva kazu sivil, sst. Hafoin, ami-nia kolega sei haree ema apropriadu ou instituisaun ne'ebé bele fornese resposta ba sira-nia perguntas, hanesan juiz, prokuradór, defénsór ou representante parlamentu no husu ba sira atu klarifika asuntu hirak-ne'e. Hafoin ami lori fali resposta hirak-ne'e ba fali komunidade.

Husi ita-boot nia esperiensia, ita-boot hanoin katak povu kompriende ona oinsa sistema justisa formál nia serbisu?

Timor-Leste nasaun ki'ik nune'e la susar atu tau sistema ne'e iha oin no atu informa ba populusaun. Maibé iha inísiu prosesu ne'e iha defikuldade barak. Povu kompriende ona prosesu judisiál maibé husi sira-nia perspetiva partikulár, dalaruma sira konfuzau kona-ba kazu sivil no kazu kriminal sira. Bainhira sira kanaliza kazu sira-ne'e ba iha instituisaun ne'ebé la loos no sira la simu responde ne'ebé sira espera, sira akuza polisia, prokuradór no tribunál ne'ebé halo serbisu la loos. Maibé ida-ne'e hanesan problema menus koñesementu. Povu mós lamenta katak sistema judisiál funsiona ba ema ki'ik deit, ema importante sira bele la'o dook ho krimes. Sira la kompriende kona-ba birokrasia, tanbasa kazu balun prosedimentu halo kleur no iha kazu seluk fasil liu atu halo justisa. JSMP ninia pozisaun katak ami tenke halo esforsu koletiu iha Timor-Leste hodi esplika setór judisiál ba komunidade, nune'e sira bele sai familiar ho buat ne'e. Ne'e presiza tempu no investimentu to'o povu kompriende no hatene oinsa kolektivamente asesu ba sistema judisiál nuene'e bele rezolve sira-nia problema.

Desde harii JSMP halo monitorizasaun. Oinsa ita-boot haree ninia evolusaun?

Kada tinan JSMP públuka relatóriu – Hanoin ida kona-ba Setór Justisa – ne'ebé ami identifika buat-rua progresu

no dezafiu ne'ebé tribunál sei infrenta. Ami preokupa hela ho situasaun balun ne'ebé judisiári hasoru. Iha tinan 2009 ami observa progresu balun, dezenvolvimentu positivu iha area balun maibe mós iha situasaun balun ne'ebé iha preokupasaun boot. Relasiona ho dezenvolvimentu positivu ami nota katak, hanesan JSMP halo ona iha tinan 2006, Estadu komesa aloka staff barak iha tribunál distritál sira no fó ekipamentus ba sira no kondisaun ne'ebé presiza ba sira-nia serbisu, inklui transporte no akomodasaun. Maibé, defénsór públiku iha distritu sira seidak iha kondisaun di'ak. No mós iha tinan 2009 Timor-Leste implementa ninia Kódigu Kriminal rasik, ne'ebé daudaun tradus ba Tetun husi Prezidente Tribunál Rekursu. Ami fó-hatene nune'e tanba terminus judisiál hotu ho Lian Portugues. Ami rekoñese katak Tetun seidak dezenvolve naton iha area refere maibé ami rekomenda dezenvolvimentu Disionáriu Tetun judisiál nian. Ida-ne'e bele fasilita serbisu autór legál sira maibé mós ajuda sidadaun hotu. Dezenvolvimentu positivu seluk mak aprovasaun kona-ba Lei Protesaun Testemuña. Ida-ne'e realizasaun importante, maibé lei ne'e seidak produz efetu pratika ruma tanba lei ne'e ho Lian Portugues deit, ema barak mak seidak kompriende no testemuña la hatene oinsa bele hetan protesasaun. Tribunál mós, bainhira halo interrogasaun ba testemuña, sira la refere ba lei ne'e, sira la aplika ida-ne'e. Nune'e, lei ne'e vigora ona maibé seidak implementa didi'ak. Maske ho limitasaun barak iha progresu judisiáriu. Maibé, mós iha tinan 2009 ami halo relatóriu kona-ba preokupasaun boot kona-ba intervensaun estadu iha judisiáriu hanesan husik livre Maternus Bere, ne'ebé hetan akuza komete krime graves, violasaun sériu direitus úmanus tinan 1999.

Iha Tribunál Distritál Dili, ne'ebé iha jurizdisaun ba krime graves, Painel Espesiál foun forma hodi halo julgamentu ba eis milisia. JSMP halo monitorizasaun ba kazu ne'e?

Sim, mós iha faktus karak kazu ne'e lori ba tribunál no Maternus Bere lae, ida-ne'e mak razaun preokupasaun boot mai ami. Tanba ami konsidera katak kazu hotu-hotu tenke iha tratamentu hanesan iha tribunál.

JSMP hanesan NGO ida no simu suporta finansial husi sé?

Ami-nia duadóres regulár mak The Asia Foundation, ba atividade monitorizasaun, Embaixada USA, no Women Layers Association husi Normwegia ba asuntu jéneru. Ami mós simu fundus balun husi Australian Project Justice Facility, no husi organizasaun Khatolika MEZERIO. Husi ajénsia ONU ami simu suporta husi UNFPA.

Tribunál Distritál Dili konkluí Domingos Noronha kulpa komete ómisidiu 3

Eis Milisia Mahidi hetan sentensa tinan 16 iha kadeia

Iha loron 26 Marsu 2010 Painél Espesiál ba Krime Graves ne'ebé hatuur iha Tribunál Distritál Dili submete kazu ida-ne'e ba Prokuradór kontra Domingos Noronha alias Domingos Mau Buti, eis membru Milísia Mahidi, nr. Kazu Tribunál 8/2004. Tribunál desidi katak arguidu hetan salan ba akuzadu omisidiu ema na'in 3, no kondena nia to'o tinan 16 iha komarka tanba omisidiu ba Luis da Silva, Fatima Mesquita no Sabina Mesquita komete iha loron 27 Marsu 1999 iha Suku Lepo, Sub-Distritu Zumalai.

Fó julgamentu, Juiz ne'ebé diriye, Maria Leonor Botelho, hato'o pontu importante ba brutalidade omisidius no sem respeito ba moris úmanidade, evidensia ba ha foer vítima sira-nia isin-lolon.

Domingos Noronha hetan akuza iha tinan 2004 husi eis Vise Prokuradór-Jerál ba Unidade Krimes Graves, ba Krimes Hasoru Umanidade: akuzadu 4 ba omisidius no akuzadu 1 ba violasaun seksuál. Nia hetan kaptura husi Polísia iha fulan-Dezemburu 2008 hafoin ilegalmente hakat liu fronteira.

Inspesaun julgamentu ba Domingos Noronha komesa iha loron 18 Janeiro 2010. Tuir provizaun Artigu 3 kona-ba Dekretu Lei Governu 13/2005, implementa Prosedimentu Kódigu Kriminál, Tribunál Distritál Dili forma Painél EspesiálA atu julga kazu ida-ne'e. Painél ne'e kompostu husi juiz internasionál na'in rua, Juiz José Rapozo no Juiz Maria Leonor Botelho, ne'ebé diriye no Juiz Timor-oan na'in ida, Juiz Guilhermino dos Santos. Prokuradór públiku hetan reprezenta husi prokuradór internasionál Dr. Franklin A. Furtado. Arguidu hetan reprezenta husi advogado na'in tolu nominadu husi Eskritóriu Defensór Públiku, inkluidu Dr. Cândio Xavier.

Painél ne'e realiza ona plenária no inspesiona testemuña sira na'in 9. Plenária ida implementa iha Suai, atu nune'e inspesiona testemuña sira ne'ebé labele halo viazen ba Dili. Hafoin de inspesaun testemuña sira hato'o satisfasaun atu hala'o sira-nia funsaun iha prosesu judisiál ba



violasaun graves direitu úmanus 1999 ninian. Grupu testemuña sira inkluidu viziñu sira husi omisidiu ba vítima nain tolu iha kazu ne'e maibé iha mós eis membru milisia sira. "Lei tenke aplika hanesan ba ema hotu, la iha ema ida mak iha lei nia leten, no ida-ne'e importante atu buka hatene sé loloos mak atualmente komete krimes, tanba sé de'it mak komete krimes tenke ser selu", Sr. Mateus Gomes hateten ha'u haksolok ha'u m6s hola parte", nia hatutan.

Julgamentu ne'e la'os ikus ba ezijénsia ne'ebé submete ona ba rekursu ida ho Tribunál de Rekursu.

Domingos Noronha nu'udar ema ida husi akuzadu na'in 139 ba Krime Kontra Úmanidade komete iha Timor-Leste iha tinan 1999. Akuzadu na'in 304 sei livre hela. Investigasaun sira sei kontinua hela, Investigasaun ne'e hetan implementa husi UNMIT/Ekipa Investigasaun Krime Graves (SCIT). SCIT hetan estabesele husi Rezolusaun Konsellu Seguransa ONU 1704 ho mandatu ida atu kompleta investigasaun sira kona-ba violasaun graves direitu úmanus iha tinan 1999, ne'ebé sei pendente hela bainhira SCU hetan taka iha tinan 2005.

Estudante Lei UNTL atende aula kona-ba papel forensiku iha investigasaun kriminal

Iha dia 3 Marsu 2010 Universidade Nasionál Timor Lorosa'e (UNTL Fakultade Lei Estudante Tinan-dahaat nian atende presentasaun ida kona-ba forensiku organiza husi UNMIT Unidade Administrasaun Suporta Justisa no Ekipa Investigasaun Krime Graves). Lisaun hala'o husi SCIT ninia Patolojista Forensiku, Dr. Nurul Islam no fokus liu iha papél forensiku ba investigasaun kriminal. Iha adisaun ne'e sira halo diskusaun kona-ba dezvoltamentu médisina forensiku iha Timor-Leste no halo vizita ba SCIT nia

Laboratóriu Forensiku . Plenaria ne'e presede ho liabadak kona-ba SCIT nia mandatu no istória. Tinan oin estudante hirak-ne'e sei sai graduadu dahuluk iha Fakultade Lei Universidade Nasionál. Presentasaun ne'e hanesan parte ida husi atividade desenvolve kapasidade. Atividade dahuluk mak hala'o iha tinan 2010 workshop kona-ba Lei Internasionál ba Prokuradór Nasionál no Internasionál no Prosesu Krime Graves ne'ebé akontese iha dia 05 Feveireiru.



Estudante Lei tinan-dahaat UNTL vizita Lab Forensiku SCIT



UNMIT/Ekpa Investigasaun Krime Graves (SCIT) newsletter • issue 6 • Maiu 2010

SCIT-UNMIT
Obrigado Barracks II
Caicoli
DILI

Phone: 330-4100
Fax: 330-4110

UNMIT Regional Support Centres
BAUCAU: Vila Nova
MALIANA: Holsa Soso
SUAI: Debos, Kampung Baru

Informasaun Liu-tan favor kontaktu:
Júlia Galvão Alhinho
Ofisiál Relasaun Esternál
Mob: +670 73 11 519
E-mail: alhinho@un.org

Investigasaun 1999 assiste lori justisa ba Timor-Leste

WWW.UNMIT.ORG/RULE OF LAW/SERIOUS CRIMES

Lia badak....

- **Parlamentu dadaun ne'e debate lei reparasaun no hare-tuir instituisaun** ba CAVR no CTF. Esbosu Lei ne'e prepara hela no sei apresenta ba Komite A. debate ne'e espera sei hala'o iha loron iku fulan-Maiu. Unidade Direitus Úmanus no Justisa Tranzitóriu UNMIT fó-apoiu ba prosesu ne'e.
- **II Konferensia Mundiál kona-ba Ezumasaun no Suporta Phisikusosiál ba Vítima sira** hala'o iha Bogota, Colombia entre dia 21 no 23 Abril. Timor-Leste representa husi Gregorio Saldanha, husi Komisaun 12 Novembru.

Perguntas ne'ebé pública sempre hato'o husi comunidade ba SCIT durante atividades outreach



Saida mak diferente entre fó deklarasaun ba CAVR no Ekpa Investigasaun Krime Graves ou PNTL? Deklarasaun fó ba CAVR ne'e la validu?

Deklarasaun ne'e validu, maybe ba prosesu CAVR deit no sei la uza iha tribunal.

Deklarasaun eskrita bele simu iha tribunál hanesan evidencia deit karik hirak-ne'e halibur husi autoridade judisiál (polísia, investigadór, juiz), hanesan deklarasaun iha artigu 266 Kódigu Prosedimentu Kriminál. CAVR, maska nune'e ninia papel importante tebes kona-ba prosesu justisa la'os hanesan autoridade judisiál ida. Vítima no/ou testemuña ba krimes komete iha tinan 1999 ne'ebé hato'o relatóriu ba CAVR tenke mós kontakta ho SCIT no/ou PNTL ou Eskritóriu Prokuradór.

Tanba sá mak povu hetan akuza ba krimes 1999, sira ne'ebé hela iha Indonézia, molok ne'e lori ba tribunál? Tanba sá polísia la lori sira? Oinsa ho Interpol?

Tanba razaun soberania nasional, polísia husi nasaun ida labele tama no opera iha nasaun seluk. INTERPOL la'os polísia internasionál ida ne'ebé bele kaer ema iha nasaun ruma; ida-ne'e rede forsa polísia ne'ebé halo kooperasaun ba malu. Atu lori ema hirak ne'ebé hetan akuza komete krimes kontra úmanidade iha tinan 1999 ba iha tribunál Timor nian, Timor-Leste ho Indonézia tenke asina Akordu Estradisaun. Sira mós bele hetan julga iha Indonézia ou iha nasaun seluk ruma ne'ebé hola parte iha tratadu kona-ba presekuisaun krimes jenoside, krimes funu, no krimes kontra úmanidade (Jurzdisaun Universál)

Ema pro-independensia mós komete krime. Hirak-ne'e mós hetan investigasaun husi SCIT?

SCIT halo investigasaun ba ema hirak ne'ebé mak komete Krime kontra Úmanidade, Ómisidui, violasaun seksuál no tortura iha tinan 1999, independenmente sira-nia afiliasaun polítika.

Krimes ne'ebé komete durante tinan 1999 investiga ona. Maibé, povu sai vítima husi okupasaun iha Timor-Leste, saida mak sei akontese ba kazu sira-ne'e? SCIT bele investiga kazu hirak-ne'e?

Lae. Mandatu SCIT limita deit to'o krime komete iha tinan 1999. Krimes ne'ebé komete entre tinan 1974 no 1998 bele hetan investiga husi polísia nasional, supervizona husi Prokuradór-Jerál Timor-Leste nia okos.

SCIT bele investiga kazu sira iha krize tinan 2006?

Lae, tanba SCIT ninia mandatu. Kazu sira tinan 2006 hetan investiga husi polísia nasional supervizona husi Prokuradór-Jerál Timor-Leste nia okos.

Durante investigasaun SCIT tenke halo ezumasaun/ke'e. Saida mak ita halo hafoin ezumasaun?

Hafoin ezumasaun Ekpa Forensiku SCIT lori mate-ruin sira ba ninia lab hodi halo ezumasaun médiku-legál. SCIT nia Patolojista no Antropologu sei halo ezumasaun hodi buka hatene oinsa kauza no maneira ba mate. Nune'e karik identidade husi vítima deskoñesidu sira mós sei koko atu identifika nia mane/feto. Ezumasaun babain sei hala'o loron 3 ou 4. Wainhira ezumasaun kompleta mate-ruin sira-ne'e sei lori fila hikas ba familia.

Bainhira ezumasaun hala'o, ropa husi vítima lori hamutuk ho mate-ruin sira, maibé dalaruma ropa hirak-ne'e la fó fila ba familia. Tanba sá?

Ropa ou objetu ruma ne'ebé hetan hamutuk ho mate-ruin husi vítima sira dalaruma rai husi SCIT tanba sira konstitui evidencia no sasan hirak ne'e prezisa prezenta iha tribunál wainhira julgamentu komesa. Dalaruma ropa hatudu sinál raan no/ou kuak ruma ne'ebé indika kilat-musan, sst. Ida-ne'e bele sai hanesan evidencia katak ema-ne'e hetan oho.